

ХАЛҚАРО ЛОГИСТИКАНИ ТАШКИЛ ЭТИШНИНГ ЗАМОНАВИЙ КОНЦЕПЦИЯЛАРИ

Кучаров А.С.,
ТДИУ “Бизнес бошқаруви” кафедраси,
и.ф.д., профессор,

Бобохўжаев Г.Н.
ТДИУ “Бизнес бошқаруви” кафедраси,
и.ф.н., доцент

Аннотация. Мазкур мақолада Ўзбекистон Республикасида логистика соҳасини халқаро миқёсда ривожлантиришининг йўналишлари, бу ўринда мавжуд муаммолар, уларни ечимини логистикани на фақат транспорт соҳасидаги ташуввлар маъносидаги эмас, балки логистикани барча жабхаларини қамраб олган ҳолда ўрганиши ва уни амалиётга тадбиқ этиши стратегияларини ишлаб чиқиши асосида ташқи бозорларга чиқишини оптимал варианtlарини ишлаб чиқишидан иборатлиги ёритилган.

Калим сўзлар: бозор муносабатлари, ташқи бозор, халқаро бозор, халқаро логистика, стратегия, назария, товарни харакатга келтириши каналлари.

Кириш

Хозирги кунда халқаро иқтисодий алоқаларнинг ҳамда ташқи иқтисодий фаолиятнинг йўналишлари жадал равишда ривожланиб бормоқда. Бунинг асосий сабабига, халқаро миқёсда бозор муносабатларига асосланган ягона иқтисодий тизимни шаклланганлиги, бошқача қилиб айтганда иқтисодиётни глобаллашуви бутун дунёни қамраб олганлигини келтириш мумкин.

Шундай экан, иқтисодиётнинг барча йўналишларида, хусусан, халқаро логистика тизимида ҳам тадбиркорлик фаолиятини халқаро ва ташқи бозор талаблари асосида олиб бориш муҳим масалалар жумласидан бўлиб қолмоқда.

Мазкур масалани долзарблигини “Транспорт соҳасида давлат бошқаруви тизимини тубдан такомиллаштириш чора-тадбирлари тўғрисида”ги Ўзбекистон Республикаси Президенти Ш.М.Мирзиёевнинг фармонида “халқаро транспорт коридорларини ривожлантириш, логистика тизимини такомиллаштириш бўйича таклифлар ишлаб чиқиши ва чора-тадбирларни амалга ошириш, мамлакат транспорт салоҳиятидан самарали фойдаланиш, тадбиркорлик субъектларининг транспорт-логистика хизматларидан фойдаланишдаги сарф-харажатларини камайтириш” каби масалалар давлат миқёсидаги иқтисодий сиёсатни амалга ошириш йўналишларидан бўлиб турганлигини кўриш мумкин. [1].

Айниқса республикамиз тадбиркорлари учун халқаро логистикани тўғри йўлга қўйиш, товарларни импорт-экспортини минимал сарф-харажатлар билан амалга ошириш, ташқи бозор шароитларини тўғри тушуниш, ташқи бозор конъюнктурасига аниқ баҳо бера олиш, ташқи бозорларга чиқишида товарни харакатга келтириш каналларини самарали танлай била олиш ва уни бошқариш каби жараёнларга, айнан, илмий нуқтаи назардан ёндашиш, сотув хажмларини кенгайтириш имкониятини яратиб беради. Мавзуга оид адабиётлар таҳлили.

Мавзуга оид муаммолар ўрганилганлик даражаси, ҳозирги кунда юқори. Бунинг асосий сабаби ер юзида бозор муносабатларига асосланган ягона иқтисодий тизимни тўла шаклланиб бўлганлигидир. Шу боис барча мамлакатлардаги тадбиркорлар тизимли равишда ташқи бозорларга чиқиш стратегияси асосида фаолият юргазадилар. Мутонасиб равишда, рақобат кескин бўлганлиги учун, фаолият олиб бориш илмий нуқтаи назардан ташкил этилишини талаб қилмоқда. Бу эса ўз ўрнида илмий ишланмаларни кенг миқёсда олиб борилишига сабаб бўлмоқда.

Бу ўринда А.У. Альбеков, В.П.Федъко, О.А.Митъколарни мисол тариқасида келтириш мумкин. Улар ўз ишланмаларида, асосан, "логистика бу на фақат транспорт ташувларини ташкил этиш, ваҳоланки, логистиканинг асосий вазифаси моддий ва номоддий оқимларни логистик занжир орқали хом-ашё базасидан тортиб то охирги истеъмолчигача етказиб беришни ташкил этиш, назорат қилиш ҳамда бошқаришдан иборат" деб таъкидлаганлар. [2].

Санкт-Петербург далат университетининг профессори В.В Шербаковнинг таҳририяти остида тайёрланган "Логистика асослари" дарслигини яратишида қатнашган олимларнинг, хусусан, и.ф.д., профессор И.Л.Киппер, и.ф.д., профессор Л.А Мясникова, и.ф.д., профессор А.В Парфенов, и.ф.д., профессор Б.К Плоткинларнинг фикрича "логистика қидимги эрада ҳам, хаттоқи, Александр Македонский даврида ҳам мавжуд бўлган бўлиб, ундан захираларни режалаштириш жойлаштириш, сақлаш, тақсимлаш, етказиш каби опрецияларни амалга оширишдан иборат бўлган" деб тариф берганлар. [3]

Европалик иқтисодчи олимлардан бири Д.Розенцвейгнинг фикрича: "Логистикадан ишлаб чиқаришни ташкил этишда, маҳсулотни қайта ишлаб, тайёр маҳсулот сифатида тайёрлашда, уни керакли истеъмолчига, керакли маҳсулотни, керакли вақтда, керакли хажмда, керакли жойга етказиб бериш учун фойдаланилади" деган назарияни илгари суради. [4]

Юқорида келтирилган тарифларни таҳлил қилиб айтиш мумкинки, бозор муносабатлари жуда мураккаб тизимни ташкил этган ҳолда, унда мавжуд бўлган ҳар-бир тадбиркор ўз позицияларини эгаллашга, уни кучайтиришга, доимий равишда рақобатбардошлиқ мавқенини эгаллаб туриш учун зиддиятли кураш олиб боради.

Мадомики шундай экан, демак, логистикадан унумли фойдаланиш учун республикамиз шароитида уни чуқур ўрганиш, амалиётга тадбиқ эта била уни на фақат транспорт ташувлари, балки барча йўналишларидан фойдаланиш ташқи бозорларга чиқишда самара бериши эҳтимолини кенгайтиради.

Шу билан бирга, ўрганиб чиқилган илмий адабиётларда халқарни ташиш жарёнларида бевосита ва билвосита иштирок этадиган ваколатли органлар, ёки халқаро ва минтақавий ташкилотларнинг ахборот-коммуникацион таъминоти билан боғлиқ ташкилий муаммолар, соҳани молиялаштириш механизмларини шакллантириш, соҳани такомиллаштириш бўйича хориж тажрибасини қўллаш масалалари, бундан ташқари, соҳага малакали кадрларни

тайёрлаш, халқаро ташувларда халқаро ахборот коммуникацион ҳамкорлик муаммолари түлиқ ўрганилмаган. Айрим хорижий тадқиқотчилар томонидан чоп этилган мақолаларда эса “Рақамли логистика” ва “Электрон логистика” каби тушунчаларнинг бир-биридан фарқли томонлари борасида аниқ ёндашувлар мавжуд эмас.

Назарий манбаларни таҳлил қилиш логистика тизими니 ташкил этиш муаммосини ишлаб чиқиши корхонанинг интеграциялашган логистика тизимининг турли таркибий қисмларини такомиллаштириш орқали амалга оширилади деган хуносага келишимизга имкон беради.

Асосий қисм

Назарий жихатдан логистика тушунчасини таснифлашда бир нечта ёндошувлар мавжуд. Уларнинг қўпчилиги бу тушунчани моддий ва ахборот оқимининг биргалиқдаги харакати ёки транспорт ташувларини ташкил этиш билан боғлашади холос. Вахоланки логистика-бу моддий оқимларни хом-ашё базасидан тортиб, то охирги истеъмолчига етказиб бериш жараёнини оптималь равишда ташкил этишни назарда тутади.

Бу ўринда, таъкидлаш жоизки, логистика бўйича барча таснифларни икки гурухга ажратиш мумкин. Биринчидан, логистика хўжалик фаолиятнинг бир қисми сифатида, ишлаб чиқариш, товар алмашинуви соҳаларида моддий, молиявий ва ахборот оқимларни бошқаришни ўз ичига олса, иккинчидан—логистикани илмий йўналиш сифатида ўрганиш, у моддий ва номоддий оқимларнинг харакатини самарадорлигини оширишнинг инновацион имкониятларини топиш йўлида тизимли изланишлар олиб бориш билан тўғридан-тўғри боғлиқдир.

Шу жумладан логистиканинг асосий концепцияси-бу минимал сарф-харажатлар асосида таъминот, ишлаб чиқариш, моддий оқимларнинг ташувини ташкил этиш, захираларни сақлаш, ва бу жараёнларни трансформация қилиш, маҳсулот ҳамда товарларни харакатга келтиришда информацион, молиявий оқимларни тўхтовсиз жараёнини бошқаришни ўз ичига олади, яъни маҳсулотни 5та асосий принцип асосида харакатга келтириш. Уларга, керакли маҳсулотни керакли манзилга, керакли хажмда, керакли муддатда, керакли истеъмолчига етказиб бериш киради.



1-расм. Ташқи бозорда рақобатбардошлик омиллари¹⁷

Замонавий талқинда логистикага хўжалик юритишнинг илмий-амалий йўналиши сифатида ёндашиш назарияси кенг тарқалмоқда. Бундай ёндашув ишлаб чиқариш ва товар алмашинуви соҳаларида моддий, молиявий ва ахборот оқимларини самарали бошқаришдан иборат эканлигини таъкидлайди.

Худди шу аснода халқаро логистика–ташқи бозорларга ишлаб чиқариш корхонасигача хом-ашё ва материалларни етказиб бериш, ярим тайёр маҳсулотларни қайта ишлаш, тайёр маҳсулотни ташқи бозордаги истеъмолчигача етказиб бериш, ҳамда ташқи бозор хақида зарур маълумотни тўплаш, сақлаш, уни қайта ишлаш, анализ қилиш, синтезлаш, ва моддий оқимларни жўнатиши жараёнида бажариладиган ташиш, сақлаш ҳамда бошқа моддий ва номоддий операцияларни бошқаришни ва назорат қилишни назарда тутади. Бу эса ўз ўрнида ташқи бозорга рақобатбардош товарларини етказиб бериш имкониятини кенгайтиради.

Юқоридагиларни умумлаштириб логистикага қисқароқ тасниф бериш мумкин.

Логистика–моддий, номоддий, яъни молиявий ва ахборот оқимларини, уларнинг биринчи манбъадан то охирги истеъмолчигача бўлган ҳаракатини бошқариш, назорат қилиш, режалаштириш ва ташкил этиш тўғрисидаги фандир.

Тадқиқот методологияси

Тадқиқотлар шуни кўрсатадики, хар қандай миллий иқтисодиётда ишлаб чиқарилган товарларга ташқи ёки халқаро бозорларда бўлган талаб қанчалик юкори бўлса демак мазкур давлатнинг миллий валютасининг курси ҳам юкори

¹⁷ Муаллифлар ишланмаси

бўлади ва аксинча, миллий иқтисодиётда ишлаб чиқарилган товарларга бўлган талаб ташки ёки халқаро бозорларда қанчалик паст бўлса, демак миллий валютанинг ҳам курси пасайиб бораверади.

Таъкидлаш жоизки тўловларни ўтиши муддатининг давлатлараро фарқланиши ҳамда инфляция холатининг турғун ҳолатда эмаслиги ҳам логистик фаолиятнинг режали равишда олиб борилишига жиддий тўсқинлик қилишига сабаб бўлади. Халқаро логистиканинг глобаллашуви йўлида мавжуд бўлган ва бозор муносабатларига тўсқинлик қиласидан ташки бозор шароитлари, ундаги нарх-наволарнинг белгиланиши тизими, рақобат даражаси хақида маълумотлар базасини етишмаслигини ҳам айтиб ўтиш лозим.

Буларнинг ҳаммаси товар-моддий оқимларни харакатга келтиришнинг оптимал вариантларини танлашни юзага келтиради. Мисол тариқасида «Мазда-Соллерс» компанияси Россия худудида ишлаб чиқариш цехларини ўз вақтида қуришга улгура олмаганлиги учун бутлаш қисмларини олиб кириш учун божхона имтиёзларидан маҳрум бўлганлигини келтириш мумкин. Бу ўринда логистика жараёнининг таркиби, корхоналарда логистик фаолиятнинг икки жиҳати ажралиб туришини билдиради.

Биринчиси саноат инженеринги тушунчаси билан боғлиқ бўлиб, транспорт воситалари ва омборларни, юклаш мосламаларини танлаш ва ишлатиш, қадоқлаш усули, ахборот бошқарув тизимлари ҳамда ИТ технологиялардан самарали фойдаланиш муаммоларининг ечимиға қаратилган бўлса, иккинчиси эса моддий оқимларни макро ва микро даражаларда бошқариш ва ташкил этишнинг ўзига тегишли бўлиб, халқаро логистик тизимнинг амал қилиш жараёнида ҳар хил омилларнинг ўзаро таъсири таҳлилига ва синтезига асосланади. [5]

Умуман олганда бозор муносабатлари шароитида халқаро логистикага корхона бошқарувининг ташки бозорга йўналтирилганлигини таъминлаб берувчи тизим сифатида қаралади ва шу орқали корхонанинг истеъмолчи билан алоқаларни ўрнатиш фаолиятининг таркиби аниқланади.

Шу соҳада амалга ошириладиган ишларнинг асосий йўналишлари қўйидагилардир:

- ташки ва халқаро бозорларда аниқ турдаги маҳсулотларга бўлган талабни ўрганиш;
- маҳсулот ишлаб чиқарилиши учун зарур бўлган моддий ресурсларни харид қилиш, заҳираларнинг ҳажми ҳақида қарорлар қабул қилиш ва заҳираларни бошқариш;
- ташки бозорда ишлаб чиқаришни ташкил этиш учун моддий оқимларни харакатга келтиришнинг оптимал вариантларини ишлаб чиқиш;
- товар тақсимотини ташкил этиш, тайёр маҳсулотни қадоқлаш ва танлаш, уни аниқ манзилга ташиш, истеъмолчига маҳсулотни етказиб бериш, зарур бўлган хужжатларни расмийлаштиришни саводли равишида амалга ошириш.

Тадқиқотлар шуни қўрсатадики, ҳозирги кунга келиб кўпгина трансмиллий компаниялар товарни бозорга етказиб бериши билан боғлиқ

бўлган барча функцияларни энди ривожланиб келаётган мамлакатдаги фирмаларга ўтказиб юбориётгандиклари кузатилмоқда. Масалан спорт кийимлари ишлаб чиқарувчи Nike компанияси бугунги кунга келиб барча ишлаб чиқарши жараёнларини пудратчи фирмаларга шартнома асосида ўтказиб юбориб, ўзи эса фақат маркетинг тадқиқотлари ўтказиши, дизайнерлик фаолиятини ривожлантириши, ҳамда илмий-тадқиқот ишларини олиб бориши билан шуғулланишига ўтиб олган.


Бу ўринда таъкидлаши жоизки халқаро логистика юқори темплар билан ривожланиб бормоқда. Кўпгина давлатлар томонидан халқаро логистика тизимини оптималлаштириши бўйича саъи-харакатлар амалга оширилаётган бўлса ҳам, лекин логистиканинг глобал тизимини тўла қонли ривожланишида айрим тўсиқликлар мавжуд.

Бунинг асосий сабабларига алоҳида давлатдаги молиявий барерларни мавжудлиги, айрим ташқи бозорларнинг ўзига хос хусуситялари ва “инжиқликлари”, рақобатнинг кескинлигини келтириши мумкин. [6]

Хорзирги тадқиқотларнинг натижаси, юқорида келтирилган омилларнинг юзага келишида алоҳида давлатларда сиёсий муҳитнинг барқарормаслигини кўрсатмоқда. Модомики шундай экан, бундай жараёнлар ташқи бозор муҳитининг изчил равишда ўзгариб туришига, анъанавий бозор шароитларининг тез-тез ўзгаришига, “бугунги бор нарса эртасига йўқ бўлиб қолиши”га, истеъмолчиларнинг хоҳии-имкониятларини кескин равишда “тебраниб” туришига олиб келиши муқаррардир.

Шу боис ҳам тадбиркорлар томонидан ташқи бозор конъюнктураси, сиёсий муҳит, мутонасиб равишда божхона қоидаларини ўзгариб туришини олдиндан билиш имкониятлари ҳам чекланиб қолмоқда. Давлатлараро иирик ҳуқуқий номутонасибликларнинг, ташқи иқтисодий фаолиятида миллӣ зиддиятликларнинг мавжудлиги халқаро логистикани самарали ташкил этишида жиодий тўсиқларини юзага чиқариб келтириши ҳам алоҳида эътиборни жалб қиласди. Бу эса, ўз ўрнида, логистик операторларнинг ёрдамчи воситачилар билан, яъни банк соҳаси, транспорт компаниялари, консалтинг фирмалари, хомаше базаси вакллари ҳамда ишлаб чиқарувчилар билан ишилашида қўшимча қийинчиликлар тугдиради.

Юқорида келтирилган концепцияни схематик равишда баён этиладиган бўлса, компаниянинг ташқи бозорда муваффақиятли фаолият юргазишида халқаро логистикани амалга ошириши ҳамда сервис ҳизматларининг сифатини кўтариши харажатларининг омилларини ҳам келтириши керак бўлади. (2-расм)



2-расм. Бозорга кириш ва чиқиб кетишнинг логистик концепцияси¹⁸

Хулоса

Халқаро логистикани ташкил этишнинг замонавий йўналишлари бўйича хулоса қилинадиган бўлса, таъкидлаш жоизки тадбиркорлик фаолиятини халқаро миқёсда ташкил этишда қўйидаги кўп қўлланиладиган логистик стратегияларни ўрганиб чиқиб уларни амалиётда қўллаш мақсадга мувофиқ бўлади:

- дифференциация стратегияси;
- вақт ўлчамлари асосидаги стратегия;
- атроф мухит муҳофазаси стратегияси;
- юқори унумдорлик стратегияси;
- қўшимча қиймат стратегияси;
- диверсификация ёки ихтисослашув стратегияси;
- ўсиш стратегияси ва ҳ.к.

Мутонасиб равишда қўйидаги логистик стратегияга оид тавсияларни келтириш мумкин:

- 1) логистик фаолиятда корхонанинг узоқ муддатли рақобат позициясини кучайтиришга йўналтирилган соҳага алоҳида эътибор бериш;
- 2) қисқа муддатли бозор имкониятларига йўналтирилган тез-тез ўзгарувчан стратегиялар катта наф келтирмаслигига урғу бериш;
- 3) корхона имкониятларини чеклаб қўювчи, тез эскирувчи, ўта кескин ва номутаносиб стратегияларни қўллашдан узоқ бўлиш;
- 4) энг оптимал (мақбул) истиқбол шароитидагина самара келтирувчи стратегияни танлашдан огоҳ бўлмоқ;
- 5) рақобатчининг кучли жиҳатларини эмас, балки кучсиз жиҳатларига “хужум” қилишни назарда тутиш.

¹⁸ Муаллифлар ишланмаси

Албатта, келтирилган омилларга “панацея” сифатида қараши мақсадга мувофиқ эмас. Чунки, хар бир ташқи бозорнинг ўзига яраша ташқи ва ички муҳити мавжуд бўлиб, уларни белиланган ташқи бозорнинг хусусиятларидан келиб чиққан холда алоҳида-алоҳида ўрганиши кенгроқ имкониятларни яратиб беради.

Фойдаланилган адабиётлар

1. Ўзбекистон Республикаси Президентининг 2019 йил 1 февралдаги “Транспорт соҳасида давлат бошқаруви тизимини тубдан такомиллаштириш чора-тадбирлари тўғрисида” ПФ-5647-сон Фармони.
2. А.У.Альбеков, В.П. Федъко, В.П.Митько, Логистика коммерции: Учебное пособие/ Под ред.В.П.Федъко.-Ростов-на-Дону: Феникс, 2012.-512 стр.
- 3.Основы Логистики: Учебник для қузов/ Под.ред. В Шербакова.-СПб.: Питер 2009 г.
4. Д.Розенцвейг Системы руководства (Пер. С англ.- 2002 г.)
- 5.И.Н. Герчикова. Международное коммерческое дело: Учебник.-М: ИНФРА-М.2011г.
6. В.М. Кузнецов Андреев А.Д. Аутсорсинг: новое слово в управлении//ЭКО № 2022 № 4.
7. И.Н.Омельченко, Б.А. Аникин Л.С.Федоров Инфра-М. Год издания: 2021. Логистика. Стр. 320.
8. Д.О. Проценко Стратегическая логистика. Издательский дом «МЕЛАП». Год издания: 2005. Стр. 368 <https://e.lanbook.com/book/4008>
9. Джеймс С.Джонсон, Дональд Ф.Вуд, Дэниел Л.Вордлоу, Поль Р.Мерфи-мл. Modern logistics (Современная логистика). Учебное пособие. –М.: “Вильямс”, 2015.
10. В.А. Шумаев (2016) Основы логистики. -М.: Юридический институт МИИТ, С. 20. — 314 с